

L E B H I T I C U S.

duine le mionnaibh, agus gu bheil e an-fhiofrach air; an uair is fios da e, 'an sin bithidh e ciontach ann an aon diubh sin.

5 Agus tachairidh, 'nuair a bhios e ciontach do aon do na *nithibh* sin, gu'n aidich^a e gu'n do pheacaich e 'fan *ni* sin.

6 Agus bheir e leis iobairt-eusaontais a dh'ionnsuidh an Tighearn air son a pheacaidh a pheacaich e, *beathach* bainionn o'n treud, uan no meann o na gabhraibh, mar iobairt-pheacaidh: agus ni an sagart réite air a shon a thaobh a pheacaidh.

7 Agus mur urrainn e uan a thoirt leis, 'an sin bheir e leis air son a choire a rinn e, dà thurtur, no dà choluman òga, dh'ionnsuidh an Tighearna; fear a chum iobairt-pheacaidh, agus am fear eile chum iobairt-loisgte.

8 Agus bheir e iad a dh'ionnsuidh an t-sagairt, agus bheir e fan seachad *am fear a ta* chum na h-iobairt-pheacaidh air tùs, agus fàinmhaidh e cheann o amhaich^b, ach cha fgar e o chéile *iad*.

9 Agus crathaidh e *cuid* do fhuil na h-iobairt-pheacaidh air taobh na h-altarach, agus a' chuid eile do'n fhuil faisgear a mach aig bun na h-altarach: *is* iobairt-pheacaidh e.

10 Agus bheir e seachad an dara *eun* mar iobairt-loisgte, a réir a' ghnàtha: agus ni an sagart réite air a shon a thaobh a pheacaidh a pheacaich e, agus mathar e dha.

11 Ach mur urrainn e dà thurtur, no dà choluman òga a thoirt leis; 'an sin bheir e fan a

pheacaich leis mar a thabhartas an deicheamh. cuid do ephah do phlùr mìn, mar thabhartas-peacaidh: cha chuir e oladh air, ni mò a chuireas e tùs air, oir *is* tabhartas-peacaidh e.

12 'An sin bheir e chum an t-sagairt e, agus gabhaidh an sagart làn a dhuirn deth, *eadha* cuimhneachan deth, agus loisgidh e air an altair e, a réir nan tabhartas a bheirear suas le teine do'n Tighearna: *is* tabhartas-peacaidh e.

13 Agus ni an sagart réite air a shon a thaobh a pheacaidh a pheacaich e ann an aon diubh sin, agus mathar e dha: agus bithidh *am fuigheall* leis an t-sagart, mar thabhartas-bìdh.

14 Agus labhair an Tighearna re Maois, ag ràdh,

15 Ma ni anam coire, agus gu'm peacaich e tre aineolas ann an nithibh naomha an Tighearna; 'an sin bheir e air son a choire dh'ionnsuidh an Tighearna, reithe gun ghaoid o na treudaibh, a réir do mheas le fecelibh airgid, a réir séceil an *ionaid* naomha, chum iobairt-eusaontais.

16 Agus air son an lochd a rinn e 'fan ni naomha ni e coileasachadh, agus cuiridh e ris an cùigeadh cuid, agus bheir e do'n t-sagart e: agus ni an sagart réite air a shon le reithe na h-iobairt-eusaontais, agus mathar dha e.

17 Agus ma pheacaicheas anam, agus gu'n dean e h-aon do na nithibh sin a thoirmisgeadh le àitheantaibh an Tighearna bhi air an deanamh; ge nach b'fhios da e, gidheadh a ta e ciontach,